

北京府縣志輯

中國地方志集成

民國平谷縣志
康熙大興縣志
乾隆房山縣志
民國房山縣志
民國良鄉縣志

中國地方志集成

北京府縣志輯 ⑦

民
國
良
鄉
縣
志

民
國
房
山
縣
志

乾
隆
房
山
縣
志

康
熙
大
興
縣
志

民
國
平
谷
縣
志

上海書店●巴蜀書社●江蘇古籍出版社

責任編輯
封面設計

盧建幸
范一辛

圖書在版編目 (CIP) 數據

中國地方志集成：北京府縣志輯 / 上海書店出版社編。
上海：上海書店書版社，2002.10

ISBN 7-80622-975-2

I. 中... II 上... III. ①中國-地方志②北京市-
地方志 IV .K29

中國版本圖書館 CIP 數據核字(2002)第 065243 號

中國地方志集成

北京府縣志輯 (全七冊)

出版 世紀出版集團

上海書店出版社

(上海福建中路一九三號)

印刷 江蘇金壇市

古籍印書廠

發行 新華書店

定價 叁仟伍百圓

2002年10月第一版 2002年10月第一次印刷
ISBN 7-80622-975-2/K · 193

平谷縣志序

方志者地方之史也。梁啟超氏曰：有良方志，然後有良史。故方志者，又國史之基也。昔章實齋創州縣立志科之議，識度遠絕，誠保存地方史之善法。惜百餘年來，卒無起而行之者。於前歲全國內政會議，議決各省市縣設立文獻委員會組織法，由行政院通過施行。實齋之議而今竟見諸功令，惟各縣之文委會雖經成立，多未厲行，亦等於虛設而已。則其矣。保存地方史之難也。余服官河北數載，於茲會赴各縣視察政務，對於文獻素所關心。於客歲三月奉檄來長，是邑接篆後，披覽邑乘，查係民

平谷縣志

卷一序

一

天津文竹齋印

國九年所修，嗣閱卷宗，又悉前任於二十年曾聘王紳濟時重纂新志，業經脫稿，祇未付梓，竊甚惜焉。第是既有原稿，再為補編，完成此舉，非特前功不棄，亦於近事無遺。遂決以修輯印行為己任，不意邊氛日逼，葭爾小邑，儼成軍事重地。至五月戰亂愈迫，以致易地辦公。迨七月復回任，所滿地瘡痍，百方補救。此時邑志雖欲修，而何暇修哉！然而並未一日忘也。嘗思平邑為冀北極邊之地，政策所施，實以綏靖地方，發揚文化為最要。即抱定此旨，銳意進行。於巡視時，亦諄諄以此諭眾，以期上副長官委任之重，下慰邑人望治之殷。所幸兵燹之餘，民風之樸厚

依然政務之推行無阻，是以不及一載，縣府內部已整飭就緒，而轄境一切政務亦無不略復常軌。惟此修志之舉，尙有志而未遂。方籌辦間，適奉

省府重修縣志之明令，復延前修志局總纂王紳濟時總纂其事，賴其潛心搜討，紀事徵實，又參酌新舊方志之體裁，另定目錄所列之門類，條理井然，較諸舊志益臻美備。從茲平邑文獻更覺燦然可觀，有心世道之君子，欲考盤西遺跡，洵北流風者，覽是書可以知其梗概矣。至於後之賢邑宰，本實齋之意旨，實成文委會切實保存地方史料，以備他年修志有所依據，是則

平谷縣志

卷一序

二

天津文竹齋印

余所深望也。夫
中華民國二十三年九月平谷縣縣長山左陵縣李興焯識於
漁陽官廨

平谷縣志序

平谷志自有清中葉以後歲久失修於民國五年邑長沈幼香倡議續修旋去任而中止由是三易縣令咸任職未久無暇議此至九年邑長王翊漢置局興修屬僕纂輯書成未梓王公擢道尹赴江蘇事又寢息至十五年邑長陳郭光籌資付印踰歲出版是役也作輟歷數載之久其書始印行可見完成之難此僕前番修志之原委已樹再修新志之基礎也又於二十年斐君李邑長奉憲令編輯邑乘以爲修河北通志之準備並頒修志門類按類編纂復延僕總纂其事僕以體例殷繁限期短促

平谷縣志

卷一序

三

天津文竹齋印

而覆餗是懼迭辭弗獲於是鍵戶月餘愬愬事送之省府乃邀嘉獎縣長記功斐君邑長猶深自謙抑不攘人美歸功於僕報之省府又授僕以獎章此皆非初意所料及也今邑長復一李公徵此新志稿於僕因慨夫客歲事變書籍遺毀無異秦火之燔經幸此稿置於書畫篋中運往燕京未曾散失特重爲釐定復增輯至二十三年各事蹟共地理經政社會物產人物藝文六綱析爲四十類體例內容均較舊志加詳庶稍免罅漏之譏以副公闢懷文獻之意僕因之重有感矣斐君邑長來尹斯土卓著政聲於二十二年元旦

于主席擇優授獎冀全省僅十縣長斐君榮列第三堪稱循良之選而獨於邑志編竣既邀嘉獎不議開雕識者謂其視邑乘亦等諸例顧考成而已君子深爲裴君惜以視復一邑長攝

篆伊始正置邊陲告警師旅雲集措置裕如迨乎風雲陡變隨軍轉移及大局物定奉檄回任益州重逢商民鼓舞斯時公解及各局所轄爲茂草公乃不憚勤勞苦心整頓迄今一載百廢俱興而尤汲汲於邑之新志亟謀付梓竟全功垂久遠使後世有所考鏡則與一意於簿書期會者迥乎不同也茲命工剞劂行將出版適值金風報曉百穀登場合境豐稔簪筆者亦爲之

平谷縣志

卷一序

四

天津文竹齋印

誌慶民國二十三年九月邑人濟時甫王兆元識

重修誌書弁言

丙午之秋九月既望余由東粵蒞任平邑試觀山川地理城郭形勝以至紳衿黎庶與夫土俗習尚猶有近古風意一日者因琴堂政事暇披邑誌帙其中所編紀自元及明筆於隆慶年歲由後缺而不載歷更甲子一週餘秉筆鮮其人迨詳覽者久之遂奮然起續補之志時公務殷繁蓋有志焉而未逮越今年丁未恒陽李公諱柱明者承學任以教化為大務會逢朔期與紳博弟子輩商確厥事僉曰甚善余志遂果於續補猶未之竟成俄而上台以文書馳至有修補誌書之令爰與李公登堂纂輯

平谷縣志

卷一序

五

天津文竹齋印

命邑庠之老成經歷者敷陳軼事採訪時尙詳其所當詳略其所當略凡邑中之山水形景昭然不改宮室廟宇像貌猶存者仍載之以備觀瞻若夫循良治績科名甲第以及明經宦遊者綴補七十餘載事至於錢穀兵刑簿書會計依制叙入下而里巷之謳吟與士女之節孝有關風化者則續補之未幾而事竟成矣慨余志共愜紳博弟子輩志是余有志與李公相聚而謀則成誌也爰命工劖劂以著一代重修之誌云

清康熙六年歲次丁未秋月知平谷縣事關中金明任在陸書於仕優軒

重修平谷縣志序

古有列國史繼為郡邑志志以紀事也事蓋乘時也時遞轉則事遞新故創於前不可無輯於後期於踵事增華紹明前規也平志起於明隆慶之六年重修於萬歷之二十年迄今蓋七十餘載矧大清定鼎百度維新豈邑乘一書仍蹈舊轍而不思所以纂修之乎雖妙峰瑞屏碣石洵水諸勝跡未之或改然其間戶口之登耗賦役之煩簡與夫賢良循吏忠臣孝子義夫節婦暨水旱稔祥陵谷桑田之變未列史冊者比比然兼之字畫剝落多魯魚豕亥之訛編次失倫貽掛一漏萬之謂何以徵文獻

平谷縣志

卷一序

六

天津文竹齋印

而詔來茲則今日者誠煥舊更新之一會也幸邑侯任公以三秦宿儒剗竹盤陰桑下雉嬌河陽花秀其循績俱在民口碑間忽於槩心暇暢毅然以修志為己任適奉有諸上臺纂輯之命公喜而言曰吾願可藉此以成矣因以採集屬之紳衿謬以校勘責諸不慧而訂其簡莛正其得失易鄙俚為雅馴悉出公手要以賞賢細奸信今傳後無失吾尼父春秋家法而已今一展讀之則見其簡而周詳而整噓列嚴明殊無剩義嗣是采風者瞭然顛末而無燭前暗後之虞尹茲者居今稽古而獲調停鈞節之術且使邑之人覽曰若俗美若俗惡若人正若人邪當必

踴躍躑息法戒分途則是志之用意微立教遠也舉昔七十餘載之曠典一旦增而完美焉他年國乘昭垂非留錦製鮮鮮耶編竣余固樂觀厥成爰述其重修之由公以余爲知言遂弁而壽諸梓
清康熙六年歲次癸卯協治南呂月平谷縣儒學訓導恒陽李柱明書於濟寧公署

平谷縣志

卷一序

七

天津文竹齋印

補修平谷縣志序

今天下四海昇平萬邦効順星垂聯璧之祥河獻澄清之瑞苟非德教淪浹聲名洋溢烏能臻此美盛哉聖天子猶不自暇逸勵精圖治賢執政冀得人而事銳志搜羅余以郡博徵員謬廁薦膺荷皇上隆恩召見勤政殿天語溫和登承清問敬陳一得之愚遽獲九重之譽小臣何人能不感激殊遇更爲清慎自矢乎況余才短識庸驟膺民社恐錦難學製履深憂耳幸值最爾之隅實掩簿書之拙下車後披閱邑乘見夫有明一代科甲繩繩且多顯秩覽閱國朝所載不但傳槐捷柳者罕有其人卽

平谷縣志

卷一序

八

天津文竹齋印

歲薦恩擢以及忠孝節義之倫亦落落晨星空編白簡將何以傳示來者耶屈指康熙丁未令博諸公踵事補修至雍正戊申前後六十餘年之久事實概未採錄行懼其湮沒而不彰也微邑紳衿請余亦將整殘續缺謀之剗剗以備一代之徵矧紳衿類以補修爲請乎余越疆末土也僻處東南偏境素慕燕趙雷封雖無馴雉遊魚之異頗有修廢舉墜之心標功名耶闡德行耶紀文章耶表人物耶非長吏之責而誰責乎爰出囊俸哀集衆捐總六十餘年中事實備爲採錄付梓以期毫髮無遺余之志也計向來罅漏一時未能補綴姑舉其可考者俾後之人見

美而法見不善而懲由是風俗益歸於厚人心益進於醇四海萬邦沐浴昇平之化翺翔効順之風庶幾報聖天子於萬一耳是爲序

清雍正六年九月署順天府薊州平谷縣事錢塘項景情題於漁陽公署

平谷縣志

卷一序

九

天津文竹齋印

續補平谷縣誌紀略

邑之有誌猶國之有史也上古結繩而治不可考矣尙書其紀傳之祖乎春秋其編年之宗乎周禮職方氏度天下山川險易戶口阨塞之數畫爲版圖行人探四方風俗上之太史邑之有志與國史等我國朝典重史館官隆總裁欽定明史御纂一統志暨四庫全書典墳邱索無以尙之近奉諭旨考證日下舊聞核寔纂輯使天下萬世知皇都闕廋信而有徵凡畿輔州縣星羅棋布無不各因志乘追尋往蹟遙溯前徽以煥文治之光華葺爾平邑舊誌殘缺未經釐訂康熙六年歲次丁未邑令任公

平谷縣志

卷一序

十

天津文竹齋印

在陞敷陳軼事命工剞劂雍正六年歲在戊申邑令項公景情復爲採錄付之梓人皆因前明隆慶遺文踵而續之迄今五十年矣愚以中州鄉薦才識譎爾承乏茲邑於課耕課讀勸紡勸織之暇集諸紳士廣爲採擇奈簡斷編殘文獻不足僅卽數十年之文武職官恩拔歲貢籍貫姓名任事考授年月補而增之至於闕則仍闕以俟後之宰是邑者具經天緯地之才著立海垂雲之概遐稽近考舉元明諸公之餘文本朝諸公之著述重爲鉅章鴻裁以副我皇上稽古右文之至意是則愚之所厚望也夫

清乾隆四十二年歲次丁酉桂月知順天府北路廳平谷縣事
河南嵩邑伊阜朱克閱書於漁陽之鳴琴軒

平谷縣志

卷一序

十一

天津文竹齋印

續修平谷縣志序

平谷縣志創於明隆慶六年重修於萬曆二十年清康熙六年
邑長任公在陞復爲燦訂雍正六年邑長項公景倩乾隆四十
二年邑長朱公克閱踵事增輯此後失修已一百三十餘載微
獨陵谷易處滄桑變遷無由考證而忠義節烈潛德嘉言亦將
歸泯浪矧有清末造變政維新迨共和成立國體改革地方政
務日見劇繁若學警自治諸端其機關設置之時代組織之職
員不有紀述何以昭示來茲民國五年邑長沈公銓洞鑒及此
爰議續修請於尹憲志襄王公深爲嘉許乃延邑紳調查事蹟

平谷縣志

卷一序

十二

天津文竹齋印

兆元曾膺採訪後以沈公去任未竟全功繼任者李公樹庭奉
上令敦促成書復延士紳續輯兆元仍爲採訪而李公旋調永
清又中輟後之官斯土者均未關懷邑乘續修之事遂寢焉自
清中葉迄今邑之文獻無徵雖屢議編輯而卒未成書良可慨
也九年夏月浙省王公浦來尹茲邑有舉墜振衰之志與兆元
會晤之初詢以邑志修至何年遂詳陳之公乃銳意續修復請
尹憲備案置修志局屬以總纂其事兆元識請才幹奚足勝任
顧自爲採訪留心軼事積有文稿甚夥又舊志原梓刊殘字跡
零落讀之甚難因思補之爲將來修志基礎時加參閱胸中略

具成竹故奮操觚之技於是考諸頽碑斷碣徵之各種書籍將舊志之殘闕補竣其訛略處亦稍事損益列於新志之前又原有輿圖已不適用另繪全縣地圖暨縣城圖至是番之續纂非第乾隆以後之事蹟按類編輯即從前之事蹟亦加增補三閱月而蒞事兆元於此三月中策蹇調查閉戶校訂焚膏繼晷以期速竣惟見聞尠未能博採遐稽仍待宏達君子復加蒐輯匡厥不逮是所深幸也並序其緣起作輟以識成書之不易

民國九年十二月邑人王兆元撰於修志局

平谷縣志

卷一序

十三

天津文竹齋印

續修平谷縣志序

凡覩人國者必先考其沿革察其政治明其山川人物之美惡觀其風俗教化之良窳而後其國之興衰強弱可知矣一國如此一縣亦然今有人焉於其縣之沿革不知政治不講山川人物之不悉風俗教化之不修而謂吾知此縣事焉可乎平谷爲禹貢冀州之域開化最早據盤山之險形勢極優自唐宋遼金以來爲兵家所必爭之地而豐功偉績照耀簡冊者代不乏人至其物產之美風俗之淳猶其餘事奈何近百年來而奇偉卓異之士不見稱於當世哉噫蓋由士無奮勉競進之志而官斯

平谷縣志

卷一序

十四

天津文竹齋印

土者復不引爲己責力倡文化此士風所以不復振也余自丙寅孟夏奉鎮威軍團長命來守斯邦當是時也軍書旁午戎馬倉皇于勞軍撫民之餘每欲考其政治沿革乎其不可得蓋縣志之失修與夫修而屢輟者不知幾經歲月矣幸邑紳王君濟時關心此事自任收檢殘編慘澹經營不日脫稿舉數百年數十年應修而未修者一旦燦然成書以垂久遠其愉快爲何如也茲於用付剞劂之先爰綴數言以爲序

民國十五年冬月平谷縣知事東豐陳玉符自識

凡例

一是書摺摭資料約分四種一民國二十年河北省府令獎安適可採之余著平谷志料一河北省府出版之河北月刊登載余所撰文稿一北平民社出版之縣鄉自治月刊登載余所撰文稿一遼錄舊志中應存各事蹟其門類則斟酌新舊方志義例按之平谷實際折衷釐訂計分六綱四十類附目三以期開卷瞭然無淆視記

一平邑舊志分野門內所引晉書天文志云尾箕幽燕也自尾十度至南斗十一度爲析木於辰在寅燕之分野屬幽州漁

平谷縣志

卷一 凡例

一

天津文竹齋印

陽尾三度費直謂起尾九度蔡邕謂起尾四度此指漁陽一郡而論猶紛歧若斯析至一縣直無分野之可言又按星野之說有繫之五星者有繫之北斗者有繫之二十八宿者又有星屬事類之分野則兼五星北斗因時占候皆天官家言嗶嗶聚訟總歸扣槃捫燭而已吳恭亨於其慈利新志體要曰詳地略天所以矯舊志斤斤於星野之非也茲從刪一方志所列八景率多支離附會近來編纂新志頗有翦艾者考平邑八景如盤陰積雪石室清風鼓頂朝雲峨眉聳翠峯臺夕照獨樂晴波咸有實蹟可尋且有關風景况洵水晚渡

能達津海商埠靈泉漱玉用以灌溉田園尤應紀載故附於山河古蹟各條之中

一關隘在地理中雖爲重要惟舊志邊防一門所載之關寨按今縣界只峨嵋山寨在平谷轄境之內其餘均歸薊縣密雲管轄以地非所屬附載於古蹟之後不另列門類

一民國九年余纂之平谷續志凡舊志目錄概未更易故另增新政一門夫古今政治由略而詳由疏而密乃勢所必至民國以來朝令夕更今之所謂新政轉瞬又爲陳迹則新政亦經政也不必別開蹊徑此番編輯將學校警察會計自治農

平谷縣志

卷一 凡例

二

天津文竹齋印

林商會保衛黨務諸端歸入經政門內以免冗複

一災異一門遠法春秋暨前史五行志近年國民政府頒布之修志事例概要中亦有此條目之規定茲爲記載以供科學家之研究

一人才爲邑乘之光宜博採詳誌平谷於明隆慶萬曆兩次修志清康熙雍正乾隆三次續修均載明代進士十六人已經屢次之考定堪爲信史此番修志調查金石又見修城隍廟寢宮記碑係賜進士出身戶部浙江清吏司主事邑人張磐書萬曆三年立石既鑱於石洵足爲據而舊志所載明代進

士並無其人茲編入人才志內因慨進士部曹亦非尋常邑志竟致遺漏以見士之湮沒不彰者多矣奚止一張弊也哉一節婦貞女風化攸關爲方志所必書自國民政府不予褒揚後論者有刪除之議余以舊志所載列女或奉親盡孝婦以代子或撫孤成名母子兼師且能杜彼侵謀保守遺產教子惟忠克勤王事皆堪矜式人羣不專以節烈稱也故仍詳載其表傳又見河北通志叙例草案中於列女有今也苦其多異日恐苦其少矣之語余覽之有深慨焉

一名宦亦此邦之人物也樹政績於是鄉取繫地主義爲志例

平谷縣志

卷一 凡例

三

天津文竹齋印

所應載論者又何必以不隸土籍爲嫌有不列人物之議且臆舉循良之績須列傳以紀其事與人物之列傳同茲載宦績傳於人物志中較爲允協

一是編以一手足之烈所纂成平邑僻在山陬既未設圖書館又無藏書之世家可供假借每有疑義無從考據欲求精博夏夏其難矧又限於學識良多疎漏尙望大雅利譯細愆是誠此書之幸也

民國二十三年九月平谷縣修志局總纂王兆元撰

平谷縣志目錄

第卷一封而	集明平工	第卷二上封面	集河平	第卷三封面	集同平	第卷四封面	集同平	第卷五上封面	集明平	第卷五下封面	集明平	第卷六上封面	集清前	第卷六下封面	集清前
平谷縣志	平谷縣志	平谷縣志	平谷縣志	平谷縣志	平谷縣志	平谷縣志	平谷縣志	平谷縣志	平谷縣志	平谷縣志	平谷縣志	平谷縣志	平谷縣志	平谷縣志	平谷縣志
李倪光	李倪光	李倪光	李倪光	李倪光	李倪光	李倪光	李倪光	李倪光	李倪光	李倪光	李倪光	李倪光	李倪光	李倪光	李倪光
題修城	題修城	題修城	題修城	題修城	題修城	題修城	題修城	題修城	題修城	題修城	題修城	題修城	題修城	題修城	題修城
碑字	碑字	碑字	碑字	碑字	碑字	碑字	碑字	碑字	碑字	碑字	碑字	碑字	碑字	碑字	碑字

平谷縣志

卷一 目錄

一

天津文竹齋印

第卷一簡端

集明平太 谷縣少 長脚李 黃養正 題書興 善寺記 碑字

平谷縣志序

凡例

平谷縣長李興棹近影

王仲宜草書中堂

陳孟陶草書扇面團扇 崔壽山行書中堂二幀

王濟時秋林新雁圖畫扇 喬篆清十八學士登瀛洲中堂

平邑古蹟風景照片十幅

全縣地圖

縣城全圖

卷一

地理志

沿革

疆域

市鄉

面積

山脈

河流

平谷縣志

卷一 目錄

二

天津文竹齋印

交通

古蹟 關 陞 附

名勝

卷二

經政志

城署

學校

書院

倉儲 惠 政 附

職官

賦稅

警察

自治

會計

農林

商會

保衛

黨務

平谷縣志

卷一 目錄

三

天津文竹齋印

卷三

社會志

戶口

民生

禮俗

宗教

方言

氏族

災異

卷四

物產志

卷五

人物志

科第

中學以上畢業

人才列傳附

武功

善蹟

平谷縣志

卷一 目錄

四

天津文竹齋印

列女

流寓

宦績

卷六

藝文志

文類

詩類


金石

志餘瑣記

平谷縣長李興棹近影




邑人王仲宣草書中堂




王綸字仲宣事蹟見傳

面扇書草陶孟陳人邑



傳見蹟事陶孟字伊景陳

圖雁新林秋時濟王人邑



余號適性山人性恬澹
有潔癖平生無所好惟
賞鑑書畫酷愛泉石以
自娛亦曾肩公職十餘
載徒為浮名誠誤矣始
所謂枕流漱石者歟近
更疎懶性成又不作煙
雲供養此圖扇乃民國
初年所繪也

編者王兆元自述


幅二書行山壽崔人邑

高景逸日每至夕陽檢點一日
所為若亦切實煅煉身心使
震度一日流光如駛良可驚懼
子元賢契相居 壽山崔如周

崔如同字壽山
南獨樂河莊人
清咸豐年有技
貢工書法用筆
通勁腕力沉雄
名重一時其墨
蹟人皆寶之



興善古刹



興善寺又名水峪寺，建於唐咸通三年，正統八年重修。山腰高處建大悲閣，奉千手千眼佛。平東建築物之最古者，寺址廣，大殿宇宏，殿內多名人詩字石。劉遠近寺院未有及此者也。

漁山軒轅陵



軒轅陵：在平谷縣城北十五里，崗阜隆然，形如大塚，相傳為軒轅陵，上有軒轅廟。又此山名漁山，縣治在山之南，故平谷古名漁陽。

邑人喬篆清十八學士登瀛洲圖中堂



喬鍾文字長清，南獨樂河莊人，自幼於書，有時見凡人物花卉鳥蟲松石，傳古無不精妙，而尤長於山水。每一積成，雲烟飛動，其觸避之致，覽之使人神往。託以象顯，勝之友在甚，邵華、胡曾作青綠山水，屏四幅，題以王石谷款，為吳書畫家，以二百金購之，可見其價重藝林。


水峪寺千佛山閣





水峪寺僧院大樓

盤山之一面




洵河晚渡



洵河晚渡：爲平邑八景之一，凡蕪縣密雲，平谷，山中出產之核桃、菓、品等，均由此處用船運往天津、唐山各地。

平谷城垣之一角



峨嵋翠巒



峨嵋山，在平谷縣城東北二十里，其山之背極即長城，因峯巒秀起，雙峨如畫，爲平邑八景之一，曰峨嵋發翠。